



**JUNTA DEL VALLE DE AEZKOA
AEZKOAKO BATZARRE NAGUSIA**

31671 ARIBE (Navarra) · CIF: P3175000C

Tel: 948 76 43 75

junta@aezkoa.net

valledeaezkoa@gmail.com

www.aezkoa.org

Ariben, 2025eko abuztuaren 7an, goizeko zortzi eta erdietan, Aezkoako Batzarre Nagusiak bilkura arrunta egin du, lehenengo deialdian, legez deituta, haren presidente titularrak zuzenduta eta jarraian adierazten diren kideak bertan zirela, eguneko honako gai hauek aztertzeko:

BILDUTAKOAK

Batzarreburu jauna: Karlos Bueno Reka

Batzarrekide jaun/anderak:

Barberena Echart, Beñat – Colomo Cantero, Ana - Gómez Sanz, Iraide – Merino Iriarte, Juan Esteban.

LEHENA.- AKTAK ONESTEA.

Onetsita gelditu da 2025eko uztailaren 3an egindako bilkuraren akta, eragozpenik agertu ez baita.

BIGARRENA.- 2024KO PLANEKO OIHAN ENKANTEA

Jaso da 112/2025 Ebazpena, uztailaren 22koa, Baso eta Ehiza Kudeaketa Zerbitzuko zuzendariarena, 2024. urterako aprobetxamenduen urteko plana eta plan horretako bi loteen balorazioak onartzen dituenak. Beraz, aprobetxamendu planari dagozkion loteen salmenta urtebete atzeratu da.

Osoko Bilkurak aurreikusitako loteak esleitzeko enkante publikorako deia egitea erabaki du.

Enkantea izapidetuko da Nafarroako Toki Araubidea eguneratzeari buruzko urriaren 29ko 11/2004 Foru Legearen 5. xedapen gehigarrian eta Nafarroako Toki Administrazioari buruzko uztailaren 2ko 6/1990 Foru Legearen xedatutakoaren arabera. Seinaleztatutako loteak, balorazio ekonomikoekin batera, 2024. urteko aprobetxamendu planari dagozkionak dira, eta Nafarroako Gobernuak lote bakoitzerako onartutako baldintza teknikoaren agiria eta Batzarre Nagusiaren Osoko Bilkurak onartzen duen baldintza ekonomiko-administratiboaren agiria bete behar dituzte. Agiri hori akta honi erantsi zaio. Hona hemen enkantean jarriko diren loteen zerrenda:

- 1/2024 Lotea - Alderdia: Gibealea. Pagoa – Azken mozketak. Kokapena: 350a, 358b, 359a, 359d, 360a, 365b, 366a, 366b, 366c, 367a, 367e, 368a, 368b, 368d, 370b, 371a.

2.461 zuhaitz-oin dira, guztira 5.754 m³ egiten dituztenak. Horietatik 196 m³, lehen mailako zura da, metro kubikoko 50,00 € balio duena; 907 m³, bigarren mailako zura da, metro kubikoko 40,00 € balio duena; beste 4.651 m³, berriz, enbor txikiak dira, metro kubikoko 15,00 € balio dutenak. Lehen kalitateko egurraren zenbatekoa bederatzi mila zortziehun eta hogeita bat euro eta hirurogeita zortzi zentimokoa da (9.821,68 €), bigarren mailako egurrarena hogeita hamasei mila berrehun eta hirurogeita hamar euro eta hogeita hamabost zentimokoa (36.270,35 €) eta enbor txikiaren hirurogeita bederatzi mila zazpiehun eta hirurogeita zortzi euro eta hogeita zentimokoa (69.768,20 €).

LOTEA, GUZTIRA: **115.860,23 €** (Ehun eta hamabost mila zortzirehun eta hirurogei euro eta hogeita hiru zentimo)

- **2/2024 Lotea – Alderdia: Itoaz.** Pagoa – Azken mozketak. Kokapena: 38, B-C.

517 zuhaitz-oin dira, guztira 1.372 m³ egiten dituztenak. Horietatik 49 m³, lehen mailako zura da, metro kubikoko 50,00 € balio duena; 348 m³, bigarren mailako zura da, metro kubikoko 40,00 € balio duena; beste 975 m³, berriz, enbor txikiak dira, metro kubikoko 15,00 € balio dutenak. Lehen kalitateko egurraren zenbatekoa bi mila laurehun eta hirurogeita bi euro eta hogeita hamalau zentimokoa da (2.462,34 €), bigarren mailako egurrarena hamahiru mila bederatziehun eta bost euro eta laurogeita hamahiru zentimokoa (13.905,93 €) eta enbor txikiena hamalau mila seiehun eta hogeita sei euro eta laurogeita hamabi zentimokoa (14.626,92 €).

LOTEA, GUZTIRA: 30.995,19 € (hogeita hamar mila bederatziehun eta laurogeita hamabost euro eta hemeretzi zentimokoa)

2025eko irailaren 1eko 12:00ak arte aurkeztu ahal izanen dira eskaintzak Aezkoako Batzarre Nagusiko Erregistroan, baldintza administratiboaren pleguan adierazitako dokumentazioarekin batera. Proposamen ekonomikoak irailaren 8an, astelehenean, irekiko dira jendaurrean, 12:00etan, Aezkoako Etxeko Batzar Aretoan (Aribe). Enkantea arautzen duten baldintza teknikoak eta ekonomiko-administratiboak Idazkaritzan daude, interesdunen eskura.

Bestalde, Batzarreburuak azaldu du Itolazen dauden zuhaitzak seinatzeko eta saltzeko eskaera egiteke dagoela, pista hobetzeko. Litekeena da salmenta hori inguruko profesionalei igorritako gonbidapenen bidez egitea, lote txikia baita, eta Baso Zerbitzuak baimena eman ondoren.

HIRUGARRENA.- IRABIAKO ETA ARRAZOLAKO PISTA EGOKITZEKO OBREN LIZITAZIO BERRIAREN DEIALDIA (PSTD-PRTR. NEXT GENERATION)

Jakinarazi da hutsik geratu zela Irabiako pistako eta Arrazolako harrera-guneko azpiegiturak hobetzeko obrak esleitzeko iragarritako lizitazioa. Hainbat enpresari galdetu zaie zergatik ez duten proposamenik aurkeztu, eta guztiek adierazi dute gauzatzeko epea oso motza zela; izan ere, aurten obra asko eta asko egiten ari dira, bai PRTR plan berekoak, bai beste jarduketak batzuetakoak, eta epe batzuk data berberetan amaitzen dira; beraz, oso arriskutsua da honetara lizitatzea. Informazio hori jaso ondoren, Cederna-Garalur elkartearekin kontsultatu da obrak egiteko eta ziurtatzeko epeak luzatzeko aukerarik oten dagoen, eta erantzun da 2026ko apirilaren 15era arte luza daitekeela egikaritzeko eta ziurtatzeko epea, eta, ondoren, beste epe bat dagoela prozesu osoa justifikatzeko, ekitaldi bereko ekainera arte.

Azaldukoagatik, eta proiektua idatzi duen enpresarekin hitz egin ondoren, Osoko Bilkurak erabaki du:

1.- Irabiako pistako eta Arrazolako harrera-guneko azpiegiturak hobetzeko obra kontratua esleitzeko lizitaziorako deia egitea. Kontratu hori Lur Geroa SLk idatzi du, eta 426.183,08 euroko lizitazio aurrekontua du (laurehun

eta hogeita sei mila ehun eta laurogeita hiru euro eta laurogeita hamazortzi zentimo, BEZik gabe). Kontratuaren guztizko prezioa, BEZa barne, bostehun eta hamabost mila seiehun eta laurogeita bi euro eta hirurogeita bat zentimokoa da. Proposamenak aurkezteko epea 2025eko irailaren 8an amaituko da.

2.- Kontratua prozedura irekiaren bidez eta Nafarroako PLENA lizitazio-plataformaren bidez izapidetuko da.

3.- Kontratazioa arautzen duen baldintza agiria onartzea. Agiri hori erantsi zaio akta honi, eta bertan, aurrekoarekiko aldaketa gisa, obrak egiteko epea 12 astera arte luzatzea jasotzen da. Nolanahi ere, obrak 2026ko apirilaren 15erako entregatu eta justifikatu beharko dira.

Europar Batasunak finantzatutako Berreskurapen, Eraldaketa eta Erresilientzia Planaren esparruan sartzen da kontratua. Proiektua Pirinioetako helmugako turismo-jasangarritasuneko planean sartzen da, 2. ardatzean ("Energia-eraginkortasuna hobetzea") eta 4. jardueran ("Pirinioetako mugikortasun iraunkorreko plana") hain zuzen ere. Ekintza hori "Irabiako pistaren eta Arrazolako harrera-gunea egiturak hobetzea" deritza.

LAUGARRENA.- PLANTILLA ORGANIKOKO GARBITZAILE LANPOSTUAREN PROFIL LINGUISTIKOA ONESTEA.

Ekainaren 10eko bileran erabaki bezala, garbitzailearen lanpostuari plantillan esleitutako hizkuntza-eskakizuna aldatzea planteatu ondoren, bilera bat egin zen Euskara Zerbitzuko teknikariarekin gai hori aztertzeko. Aurreko saioan, puntu hori eztabaidatu gabe geratu zen; izan ere, Colomo anderea izan zen bilera hartan parte hartu zuena, eta ezin izan zuen Batzarre Nagusiak egindako osoko bilkurara joan. Azaldu du Zerbitzuko teknikariak jakinarazi ziola hizkuntza-eskakizunak betetzen dituzten eginkizunen arabera zehazten direla, eta kasu honetan uste zuela ez duela betetzen erregulazioan zerrendatzen diren eginkizunetako bat ere. Hala ere, Colomo andereak uste du, eremu euskaldunean egonik, bermatu egin behar direla euskaldunen eskubideak, eta bermatu egin behar dela, gutxienez, gutxieneko arreta euskaraz jaso ahal izatea; adibidez, Aezkoako Etxera sartu eta garbiketa egin behar duen pertsona aurkitzen badute, pertsona horrek oinarritzko informazioa eman ahal izanen du.

Uste du euskararen alde egiten ari dela atzera, eta orain egoera duela urte batzuk baino askoz okerragoa dela. Hori dela eta, garbiketa lanposturako B1 mailako euskararen ezagutza baldintza gisa sartzea proposatu du; euskararen sustapenean eta laguntzan beste urrats bat dela uste du.

Idazkariak jakinarazi du, Nafarroako administrazio publikoetan euskararen erabilera arautzen duen azaroaren 15eko 103/2017 Foru Dekretuaren 25. artikuluan xedatutakoaren arabera, plantilla organikoetan ezarritako lanpostu elebidunek nahikoak izan beharko dutela Euskararen Foru Legean eta Foru Dekretuan ezarritako helburuak bermatzeko. Lanpostu elebidunak zehazteko, helburu espezifikoak hartuko dira kontuan, hau da, lanerako eta herritarrei zerbitzua emateko hizkuntza: jendeari arreta zuzena ematen diotenak, ahozko zein idatzizko informazio espezifiko eskaintzen dutenak, komunikazioak sortzen dituztenak eta herritarrei arreta ematen diotenak. Horregatik guztiagatik, Osoko Bilkurari jakinarazten dio bere ustez eskakizun hori ez datorrela bat dekretuaren zehaztapenekin.

Barberena jaunak uste du eskakizun horrekin itxi egiten dela langile kanpotarrei lanpostura aurkezteko aukera; Colomo andreak adierazi du ikas dezaketela eta ez dela maila altua. Lehendakariak uste du pertsona guztiei ikasteko aukera eman behar zaiela.

Gaia eztabaidatu ondoren, bozketa egin da, eta gehiengoak onartu du garbitzailearen lanposturako B1 mailako euskararen ezagutza plantilla organikoan sartzea.

Plantilla osatu ondoren, Nafarroako Toki Administrazioari buruzko uztailaren 2ko 6/1990 Foru Legearen 235. artikuluan xedatutakoarekin bat etorritik, onartutako plantilla idazkaritzan jarriko da ikusgai, 15 egun balioduneko epean, dagokion iragarkia Nafarroako Aldizkari Ofizialean argitaratu eta biharamunetik hasita, herritarrek edo interesdunek espedientea aztertu eta egoki irizitako erreklamazioak egin ditzaten.

Merino jaunak saioa utzi du 10:00ak baino lehen hartutako konpromisoengatik.

BOSGARRENA.- GAUA IGAROTZEKO AUTOKARABANENTZAKO GUNEA. NAFARROAKO GOBERNUAK ARGITARATUTAKO DIRULAGUNTZA DEIALDIRA AURKEZTEA.

Proiektu hau autokarabanen eremua egokitzeko enkargatu zen, bere garaian Pirinioetako Planeko inbertsioetarako Proiektu Estrategikoen dirulaguntzarekin gauzatu zena. Lizitaziorako baldintza agiria prestatzean, ikusi da hainbat akats daudela proiektuan, eta horiek konpondu egin behar direla aldeztu aurretik. Hori dela eta, puntu hau mahai gainean uztea eta teknikari idazlearekin ahalik eta azkarren egoera hori aztertzea erabaki da. Batzarreburu jaunak adierazi du aurreikusita dagoela berarekin bilera bat egitea gai horri eta beste batzuei buruz. Beraz, egin beharreko zuzenketa berri emanen zaio eta proiektuarekin jarraitzeko aukerak aztertuko dira.

SEIGARRENA.- EUSKARA IKASTEKO DIRULAGUNTZAK 2024-2025.

Aezkoako Ibarreko Batzar Nagusiak, Zerbitzuko teknikariak aurkeztutako proposamena ikusita, 2024ko irailtik 2025eko abuztura euskara ikasteko ikastaroak egin dituztenentzako dirulaguntzen deialdia onartu du, bilkura honetan ere onartu eta akta honi erantsita gelditu diren oinarriei bat etorritik.

Deialdi honetako laguntzetarako aurreikusitako aurrekontua hiru mila eta bostehun eurokoa da; eskabideak ekitaldi honetako irailaren 30era arte aurkeztu ahal izanen dira.

Deialdia Batzarre Nagusiaren webgunera bidaliko da, eta dirulaguntzen datu-base nazionalaren bidez argitaratuko da.

ZAZPIGARRENA.- UDALBILTZA

Colomo batzordekideak Udalbiltzako teknikari Almortza jaunarekin izandako bilera baten berri eman du, erakunde hori lantzen ari den proiektuei buruz. Batzarre Nagusiari hainbat alderdiri buruzko inkesta bidaliko diote, eta osatzeko eskatu dute, zonalde horren egoera hobeto ezagutzeko.

Une honetan, Udalbiltza mahai nazional batean eta hainbat sektoretan ari da lanean: iraunkortasuna, elikadura eta energia, baina baita zaintza eta

egoitza gaitan ere. Uste du azken gai hori oso gai interesgarria dela, izan ere, egoitzetako egungo baldintzak eta nola lan egiten den aztertzea bideratzen ari da, eta beste alternatiba batzuk planteatzeko balio dezake. Bada oso proiektu polit bat, Iruñeko Etxekide izeneko (elkarlaneko ostatuak), Nafarroako Gobernuaren laguntza duena, eta Usurbilen adineko pertsonak zaintzeko antzeko esperientziak, inguru horretan jarraipena izan dezaketena. Une honetan adinekoen egoitzak pertsonen edukiontzi bihurtu direla uste du, eta uste du oso interesgarria dela beste era batera bideratuta dauden eta hona eraman daitezkeen esperientzia horiek ezagutzea.

Udalbiltzak aurrera eramaten duen beste proiektu bat Geuretik Sortua da, eta artea eta kultura euskara hutsean sortzea, ekoiztea eta zabaltzea sustatzen duen zirkuitu nazional bat da. Lan horiek zazpi lurraldeetako hainbat herritan zabaltzen dira: antzokiak, erakusketak, eskulturak, etab. Presidente jaunak gogorarazi du bere garaian Geuretik Sortuaren edizioetako batean proiektu bat aurkeztu zitzaiola Batzarre Nagusi honi, baina eskualdearentzako kostu ekonomikoa ezin zela onartu eta Pirinioetako Mahaira eraman zela, bertan azter zezaten. Oraingoz ezin izan da aurrera egin. Colomo andreak adierazi du prezioak berrikusten ari direla, merkeagoak izan daitezkeen. Adinekoen zaintzarekin jarraituz, oso lotuta dago etxebizitzaren gaiarekin; izan ere, adinekoen – bakarrik bizi diren jabeen – eta gazteen artean etxebizitzaren erabilera sustatzeko esperientziak daude, eta dagoeneko arrakastaz funtzionatzen ari da leku askotan. Gai hau Udalbiltzan daraman pertsonak hurrengo bilera batean hobeto azaldu ahal izatea proposatu du.

Osoko Bilkurak erabaki du bilera dagokion batzordearekin egitea: hasiera batean, irailaren 9rako izanen da, goizez edo arratsaldeko seietatik aurrera.

Batzarreburu jaunak bat egin du gai horrekin, eta adierazi du une honetan Nafarroako Gobernuak Lurralde Kohesiorako Departamentuarekin eta Pirinioetako Guarekin (Pirinioetako Planeko funtsekin) lanean ari direla bideragarritasun-plan bat idazteko. Plan horren helburua adinekoen egoitza publiko egiteko aukera ikustea izanen litzateke, baina egungo zorra alde batera utzi beharko litzateke. Hori ikusiz eta forma emanaz joanen da, etorkizuneko parte-hartze prozesu baten bidez.

ZORTZIGARRENA.- KULTUR OLARI BURUZKO INFORMAZIOA.

Batzordeak eta Kultur Olako langileek bilera bat egin dute dauden lanak berrikusteko. Eskuorri bat editatzeko proposamen bat dago, egokitze jo ez dena; beraz, azalpena berregin behar dute, edukien aukeraketa ongi dagoela iruditu arren. Zerbitzuaren funtzionamenduari buruz ere hitz egin da, abuztuan zehar (larunbata eta abuztuaren 15a) egin beharreko bisita gidatuen egutegi bat iragarri da, ordu eta ordu eta erdi arteko bisita bat egiteko prezio merkeago batean -5 euro-, Kultur Olan fabrikari eskainitako aretora bisita bat eta kanpoan bisita gidatu bat barne duela.

Sare sozialak eguneratzeko eta jarduerak behar bezala zabaltzeko lan egin behar da. Dagoeneko prest daude hitzaldiak, kontzertua eta Nafarroako Unibertsitateak antolatutako udako ikastaroa egiteko jarduerak.

Bestalde, galdararen arazo ugarien berri ematen da; funtzionatzen hasi zenetik mantentze-gastu handiak izaten ari da, pelletaren hornidura-sistemak ez du ongi funtzionatzen eta matxura ugari eragiten ditu. Batzarre Nagusiko buruaren ustez, galdara hori kendu eta ezpala edo egurra bidezko bat jartzea

pentsatu behar da; izan ere, pelleta produktu garestia da, eta ez du emaitza onik, betetze-sistemak ore moduko bat sortzen du, galdara blokeatzen duena.

Aurten diruz lagundutako hitzarmenean aurreikusitako inbertsioei dagokienez, dagoeneko guztiak egiten ari dira. Eskari bat egin zen paneletara bideratutako zuzkidura handitzeko eta beira-arasak erosteko aurrekontua ezabatzeko, eta aldaketak onartu dira.

Bestalde, Aribeko garaian informazio-kiosko interaktibo bat jartzeko aukera aztertzea geratzen da. Helmugako Jasangarritasun Turistikoko Planeko funtsekin eginen litzateke. Gaia gaia eramaten duen Cedernako teknikaren bidez landu behar dena.

BEDERATZIGARRENA.- IBILGAILU ELEKTRIKOAK KARGATZEKO ESTAZIOA JARTZEKO LIZITAZIOA (PSTD-PRTR. NEXT GENERATION).

Proiektu hau lizitzatzeko dago. Hasierako aurreikuspenari dagokionez obra-aldaketa batzuekin baloratutako memoria teknika aurkeztu zen. Une honetan, aurreikusi diren ekipoei buruzko segurtasuna izan behar da, bai eta karga azkarra edo ertaina egin daitekeen eta potentzia-eskaera onargarria den ere. Lizitazioa onartu aurretik teknikariarekin hitz egin behar da eta alderdi horiek guztiak argi eta garbi berrikusi behar dira. Osoko Bilkurari jakinaraziko zaio hurrengo bilkuran.

HAMARGARRENA.- ESPERIENTZI PILOTUA – GARAIA UZTEA ARTISAUTZARAKO ETA TURISMO INFORMAZIORAKO

Aurreko bileretan jakinarazi den bezala, Aezkoako Etxearen barrutian dagoen garaia hainbat urtez funtzionamenduan egon ondoren, turismo informazioko gune gisa, bisitari gutxi joaten zirenez, Aezkoako Batzarre Nagusiak erabaki zuen 2025ean ez zela zentroa irekiko turismo informazioko gune gisa. Eraikinari erabilera alternatiboa ematea planteatu zen, bertan informazio turistikoa emateko leku bat mantenduta (panelen, kioskoaren eta abarren bidez), jarduerak bateragarri eginez. Horretarako, pentsatu da turismoari oinarritzko arreta eman diezaioketen pertsonen, azkenean instalatuko diren informazio-elementuen laguntzarekin, erabil dezatela lokala, Aezkoa ibarreko artisau-produktuak eta elaborazio-produktuak sustatzeko.

Proposamen hori egin ondoren, artisau-produktuak egiten dituzten pertsonen osatutako Gareki kolektiboak onartu du garaia kudeatzea turismo-informazio gisa eta bere produktuak sustatzeko eta saltzeko informazio gisa. Une honetan, esperientzia pilotu gisa aurkezten da, eta abuztuan bakarrik izanen du izaera hori. Lokala jendearentzat ireki behar da, turismo-informaziorako, abuztuko egun eta ordutegi hauetan:

- Asteazkenetan 18:00etatik 20:30era
- Ostegunetik igandera, 11:30etik 14:00etara eta 18:00etatik 20:30era.

Astelehen eta asteartean itxita egonen da lokala, salbu eta kolektiboak berak, datak direla-eta (jaiegunak, zubiak, etab.), irekitzea erabakitzen badu.

Abuztua igarota, lokala erabiltzen jarraitu ahal izateko, kolektiboa legez eratu beharko da, zuzenbidean onar daitekeen edozein formularekin.

Osoko Bilkurak ontzat eman du garaia erabiltzeko hitzarmena, azken testuari eransten zaizkion aldaketekin, eta akta honi erantsita gelditu da.

Dokumentu hori kolektiboari emanen zaio, eta berrikusi egingen da, egokitu edo luzatu ahal izateko.

HAMAIKAGARRENA.- ZENBAIT

1- Iratiko langileak

Lan-eskaintza bat aurkeztu da berriro, ordezkapenetatik eta laguntza puntualetatik eratorritako beharrei erantzuteko, deialdietako pertsonen zerrenda agortu baita. Une honetan, pertsona batzuek ez dute gidabaimenik, eta, beraz, langileak eduki nahi izanez gero, baldintza hori kentzea erabaki beharko litzateke. Gidabaimena lanaldiaren amaieran egiten diren ibilbideetan ibilgailua erabiltzeko baino ez da behar. Osoko Bilkurak uste du ibilbide horiek gainerako langileek egin ditzaketela, eta are beharrezkoagoa dela nahikoa zaindari izatea ibilbideak bermatzea baino. Beraz, gidabaimena izatea baldintza gisa ez sartzea erabaki da. Orain pertsona bat kontratatuko da laneko baja bat betetzeko, eta pertsona gehiago badaude, beste bat zerbitzua indartzeko, iraileko lehen astera arte.

2- Pertsonen kontagailua -turismo estadistikak-

Nafarroako Gobernuak Turismo Behatokiak pertsonen kontagailu batzuk jarri nahi ditu mugikorraren bidez, hau da, eremu jakin batean konektatzen diren mugikorrak kontatuz. Pirinioetan hiru puntu jartzeko asmoa dute, eta hemen Olan bat jartzea litzateke asmoa, Eurovelo ibilbidearen pasabidean. Batzarre Nagusia jakinaren gainean gelditu da.

3-BTT ibilbideen ikuskatzea

Urtero bezala, Altxa Ondareak Iratin seinaleztatutako BTT ibilbideak berrikusi ditu. Eskura daude txosten oso bat, egindako mantentze-jarduerak eta argazkiak.

4- Garaziko kabalen kontaketa

Garazitik fazeriako bazkalekuetara sartzen diren kabalak zenbatu dira. Aurten, guztira, 7.103 ardi-, 405 behi- eta 90 behor-buru daude.

5- Pirinioetako etxebizitzak

Pirinioetako Mahaian Pirinioetako etxebizitzaren gaia jorratu da, baina afera ez da aurrera joaten, Nasuvinsarako funtsik ez dagoelako. Egoera hori desblokeatzeko eskatzen duen dokumentu bat egin da, eta Parlamentuan bilera bat egin da. Talde parlamentario batzuk bakarrik izan dira (EH Bildu, Geroa Bai, UPN eta PSN), baita Nafarroako Gobernuak Lurralde Kohesiorako Departamentuko ordezkari bat ere.

HAMAIKAGARRENA.- GALDERAK ETA ESKEAK.

Ez da galde-eskerik egin.

Eta aztertze gai gehiagorik ez dagoenez, bilkura bukatu da hamaikak zirela. Esandakoa jasotzeko akta hau luzatu da, eta nik, idazkariak, egiaztatzen dut.

